

Köttöpar ko an katak in:

- Kwaļok bwe armej re kijoñ in kōmman nana.
- Kwaļok bwe Anij ej jeorļok jerowiwu an armej ñe rej ukeļok im tōmak.
- Kwaļok bwe armej rej aikuj juon Ri Lomqor.
- Kwaļok bwe Anij ej kōjparok kallimur ko An.

Meļeļe ko reļap ilo katak in:

- Jen lo bwe Anij e maroñ lomqoren kōj meñe eļap ad nana.
- Jen lo bwe jej aikuj kwaļok ad nana im ban, im lōke kallimur ko an Anij.
- Jen lo bwe Anij ej meanwōd ippān armej.
- Jen lo bwe je bane kien ko an Anij; jej aikuj juon Ri Lomqor.

Jān jinoin an ejaak laļ in, Anij ear kōṇaan katakin ro ri laļ in bwe eļap aer aikuj E. Mokta jān an Adam im Iv jerowiwu raar bōk aer mour jān Jeova Anij. Ke raar jerowiwu innām raar jepel jān E. Raar jepel jān mour. Raar jepel jān wānōk im kwōjarjar. Jān iien eo im etal Anij ear kōṇaan bwe jet mool ko ren pād imaan mejān armej aolep iien.

Juon - Anij e kwōjarjar im armej re bane kwōjarjar.

Ruo - joñan an Anij illu kōn an armej jerowiwu, Enaaj kajeik er ñan indeeo.

Jilu - joñan an Anij yokwe armej, eṃōj An kapoje juon iaļ ñan kowānōk armej im lomqoren er ñan indeeo.

Bōtab, jej aikuj kile juon men - jej aikuj in loore wōt iaļ in. Je jab maroñ jebwābwe jān iaļ in ñan jidik. Anij wōt e maroñ lomqoren kōj. Joñan ad nana je jab maroñ jipañ E ñan jidik. Kōn men in jej aikuj in tōmak naan ko An wōt. Ilo bwebwenato in rainin jej lo bwe ri Ju ro raar jab tōmak Naan ko an Anij. Raar jab kōṇaan loore karōk eo An. Kōn men in Anij ear kajutak juon wan joñak eṃman kōn tōmak. Ear kajutak kiiñ Devid.

1. Israel ear kōṇaan juon kiiñ ijellokun Jeova Anij.

Elōñ ri ekajet raar lale Israel: Jepta, Debora, Gideon, Samson, im bar jet. Āluktata, Samuel ear lale Israel. E kar eješok kiiñ an Israel, bwe Anij ear aer kiiñ. Bōtab, ro ri Israel raar kōṇaan bwe ren āinwōt armej ro jet. Raar kōṇaan bwe en wor aer kiiñ.




1 Samuel 8:4-8 Im rūtto ro otemjej an Israel raar kweiloktok, im itok ñan ippān Samuel i Rema. [5] Im raar ba ñan e, “Lo, kwe kwō lōļlap, im ro nejōm maan re jab etetal ilo iaļ ko aṃ; innām kwōn kōmman juon kiiñ ñan kōm bwe en ekajete kōm āinwōt ri aelōñ ko otemjej.” [6] A men eo ear jab kabuñbūruon Samuel, ke raar ba, “Kwōn letok juon kiiñ bwe en ekajete kōm.” Im Samuel ear kūr ñan Jeova. [7] Im Jeova ear ba ñan Samuel, “Kwōn eṃroñ ainikien armej ro ilo men otemjej rej ba ñan eok; bwe raar jab joļok eok, a raar joļok Eō, bwe In jab kiiñ ioer. [8] Āinwōt jermal ko aer otemjej raar kōmmani jān

raan eo ke Iar aĩntok er jān Ijpt, ñan rainin, ilo aer kar ilok jān Ña, im jermal ñan anij ro jet, aindein aer kōmman barāinwōt ñan eok.

Meñe ekar emman an Anij tōl er, kōjparok er, im oñake er kōn aolep aikuj ko aer, raar jab kōñaan bwe En kiiñ ioeir. Raar kōñaan juon kiiñ āinwōt aelōñ ko jet.

Eñin un eo bwe jej katak kōn karōk an Anij ñan lōmoḡoren armej. Ejjeḡok oktak ri Ju ro jān kōj ilo raan kein. Je kōñaan kōmman anki-laad, im je jab kōñaan bwe juon, āinwōt Anij, En kwaḡok ñan kōj ta eo jen kōmmane im jab kōmmane.

Elōñ 42 kiiñ im raar kiiñ ioon aelōñ an ri Ju. Ḳalem wōt iaan kiiñ rein raar tōmak Jeova im kautiej E. Kiiñ eo moḡta ear Saul. Anij ear joḡok e kōn an jab pokake E.



Samuel ej kapit Saul bwe en kiiñ.



1 Samuel 15:26 Im Samuel ear ba ñan Saul, “I jāmin jeḡlaak ippam; bwe kwaar joḡok naan in Jeova, im Jeova ear joḡok eok jān am kiiñ ioon Israel.”

2. Anij ear kāālōt Devid bwe en kiiñ.



1 Samuel 13:14 ... Jeova ear kappukot juon emman ekkar ñan būruon.

* **Armej rej aikuj tōmak bwe ren kabuñbūruon Anij im bōk lōmoḡor.**

Ejjeḡok bar juon kiiñ in Israel ear āinwōt Devid ilo an karijer ñan Anij. Devid ear juon ri kanaan barāinwōt. Ear je e nañin aolepen Sam ko ilo Book in Sam ko. Eḡap an kar Devid iḡkwe Jeova Anij im Naan ko An. Baibōl ej ba bwe Devid ear juon emman ekkar ñan būruōn Anij (me ear loor būruon Anij). Bōtab āinwōt aolep armej, Devid ear likjab jān aiboojoj an Anij. Āinwōt aolep armej ear juon ri jerḡwiwi.



Devid

Devid ear errā ippān Anij bwe e juon ri jerḡwiwi, im Devid ear tōmak Anij. Āinwōt Abel, Inok, Noa, Ebrean, Aisak, Jakob, Moses, Joshua, im elōñ bar jet, Anij ear bōk Devid kōnke Devid ear tōmak E. Anij ear watōk an tōmak āinwōt wānōk, im unin an Anij maroñ kōmmane ej kōnke Anij ear jeḡa bwe juon raan Ri Lōmoḡor eo enaaj kōḡḡā kōn aolep nana ko an Devid.

Lale naan ko an Devid me Paul ear kōnono kaki:



Rom 4:6-8 Im āinwōt Devid ej ba kōn mōñmōñō an armej, eo Anij ej watōk ñan e wānōk e jepel jān jermal ko. [7] “E mōñmōñō ro jerḡwiwi ko aer re jako, im bōd ko aer re libubu. [8] E mōñmōñō armej eo Irooj e jāmin watōk jerḡwiwi ñan e.”

3. Jerḡwiwi eo an Devid.



1 Kiiñ 15:5 ... Devid ear kōmman men eo emman imaan mejān Jeova, im ear jab jeorloḳ jān jabdewōt naan in kaiñi ko An, raan ko otemjej in an mour, a ilo men in wōt an Uraia ri Het.

Meñe Devid ear iḳwe Anij, ear kōmman juon jerḳwiwi eḷap. Ear loñ ippān Batsheba im ear man leo pālen bwe en ḳooje jerḳwiwi eo an. Kōn men in, elōñ rej tōmak bwe Devid ejab mour ilañ. Ear uror im elōñ rej tōmak bwe juon ri uror e ban mour ilañ. Mool ke men in? Baibōl eo ej ba ta?

4. Devid ear kajjitōk ippān Anij bwe En jeorloḳ an jerḳwiwi.



Sam 32:5 Iar kwaḷoḳ ñan Eok aō bōd, im aō jerḳwiwi iar jab ḳooje; iar ba, “Inaaj kwaḷoḳ aō jebwābwe ñan Jeova,” im Kwaar joḷoḳ nana an aō bōd. Sela.



Sam 51:9 Kwōn ḳooj mejōm jān bōd ko aō, im Kwōn jeorloḳ aolep jerḳwiwi ko aō.

Eḷaññe kwaar read aolepen Sam 51 kwōnaaj kar kile bwe Devid ear lukkuun būromōj kōn an jerḳwiwi ñae Anij. Bōtab Devid ear kōmmane juon jerḳwiwi eḷap. Baibōl ej jiroñ kōj bwe oḳean jerḳwiwi mej. Ta mool ke Anij e maroñ joḷoḳ ruon Devid?

5. Jeova ear joḷoḳ an jerḳwiwi.

Ruo men rej kwaḷoḳ bwe Anij ear mool in joḷoḳ bōd eo eḷap an Devid.

1) Anij make ej ba bwe emōj An joḷoḳ an bōd.



2 Samuel 12:13 Im Devid ear ba ñan Netan, “Iar jerḳwiwi ñae Jeova.” Im Netan ear ba ñan Devid, “Jeova ear barāinwōt joḷoḳ bōd eo aḳ; kwō jāmin mej.”

2) Devid ear kaḳmoolol Anij kōn An joḷoḳ an bōd.



Sam 32:1,2 E ḳōḳōḳō eo emōj joḷoḳ bōd eo an, im kalibubu an kōmman nana. E ḳōḳōḳō armej eo Jeova e jab watōk jerḳwiwi ñan e, im ilo būruon ejjeḷoḳ ḳoḳ.

6. Etke Devid, juon ri uror e maroñ mour indeeo?



Rom 4:5 A ñan eo ejab jermal a ej lōke Eo ej kowānōk ri jerḳwiwi, watōk an tōmak āinwōt wānōk.

Etke Devid ej mour indeeo kiiō? Kōnke Jeova ear kowānōk e e jepel jān jermal ko an. Bōlen kwōnaaj ba, “e jakkar an Devid mour ilañ bwe e ri nana.” Ejimwe aḳ ba. Ilo mool ejakkar an jabdewōt armej mour ilañ. Jej aolep ri jerḳwiwi im jej aolep likjab jān aiboojoj an Anij.



Sam 130:3 Eḷaññe Kwe, O Jeova, Kwōnaaj kakōlle jerḳwiwi ko, O Irooj, wōn enaaj jutak?

7. Kiiñ Devid ear kōjatdikdik kake juon ri Lomḳor.

Ilo Jenesis 3:15 Anij ear kallimur kōn juon ri Lomōor me enaaj juur bōran Jetan. Anij ear barāinwōt leļok kallimur in ñan Ebream. Jenesis 12:3 *...im kōn kwe nukwin otemjej ilaļ renaaj jeraamman.* Im Anij ear leļok ejja kallimur in wōt ñan Kiiñ Devid. 2 Samuel 7:16 *Im ṁweo imōṁ im aṁ aelōñ naaj kapen e ñan indeeo imaaṁ; naaj kapen tūroon eo aṁ ñan indeeo.*

Ta ṁool ke eon in ej juon kallimur kōn Jisōs Kraist ri Lomōor eo? Aiseia 9:7 *Enaaj ejjeļok jemļoken orļok in men in irooj eo An im ineemman, ioon tūroon eo an Devid, im ioon men in kiiñ eo an bwe En kapen e, im bwe En jipañ e kōn ekajet jimwe im wānōk jān iien in im ñan indeeo...* Anij ear ba ñan Devid bwe juon eo enaaj itok jān e, “Nejin Devid,” enaaj Ri Lomōor eo me eṁōj kallimur kake.

Devid ear jab wānōk kōn an make tiljek. Ear jab mour indeeo ilañ ippān Anij kōn men ko remman ear kōmmani. Jisōs wōt e maroñ kowānōk kōj. Jān jinoin ñan jemļoken jouj wōt an Jijej ej lomōoren kōj.

8. Tempel eo.

Ke Devid ear kiiñ, ear lukkuun ṁweie. Ear kōmman juon eṁ e kilep im eṁman ñan e im baamle eo an. Bōtab ear būromōj bwe ṁōn Irooj ear juon ṁōn kōppād wōt. Ear pepe in kōmman juon tempel e aiboojoj.



2 Samuel 7:2,3 *Innām kiiñ eo ear ba ñan Netan, ri kanaan, “Lo, kiiō, ña ij jokwe ilowaan eṁ aik imō, a tōptōp an Anij ej jokwe ilowaan eṁ nuknuk.” Im Netan ear ba, “Kwōn ilok, im kōmman aolepen men eo ilo būruōṁ; bwe Jeova ej ippaṁ.”*

Anij ear ṁōṁōṁō bwe Devid ear kōṁaan kōmman juon eṁ ñan E, ak Anij ear ba en kattar, im leo nejin, Solomon, en kōmmane.




2 Samuel 7:12,13 *Ñe e jejjet raan ko aṁ, im kwōj kiki ippān ro jemam, Inaaj kajutak ineōṁ ālikōṁ, eo enaaj waļok jān ipaṁ, im inaaj kapen aelōñ eo an. Enaaj kalōk juon eṁ ñan Eta, im Inaaj kapen tūroon in aelōñ eo an ñan indeeo.*

Etke Anij ear ba bwe Enaaj kapen tūroon in aelōñ eo an ñan indeeo? Kōnke Anij ear kōnono kōn Ri Lomōor eo, Jisōs Kraist, eo enaaj nejin Devid. Enaaj kiiñ ñan indeeo.

Ke Solomon ear kiiñ, ear kōmmane tempel eo, im ear lukkuun aiboojoj. Ear wor ruo ruuṁ lowan āinwōt ṁōn kōppād eo, im raar bōktok tōptōp eo jān ṁōn kōppād eo im likūte ilo jikin kwōjarjar otem kwōjarjar ilo tempel eo.

Anij ear likūt juon kōdō eļap im meram ilo tempel eo. Anij ear kōṁaan bwe armej ro ren kememej bwe Anij e kwōjarjar, re jepel jān Anij kōn jerōwiwi ko aer, bōtab kōn bōtōktōk, ewor kōllaajrak ñan Anij.



9. Kiiñ ro jet.

Solomon e kar juon kiiñ eṁman ilo jinoin, ak ke ear rūttoļok, ear ilok jān Anij. Ālikin an mej, aelōñ

eo ear jepel ilo ruo mōttan: 10 bwij raar pād eañ im rej bōk etan “Israel,” im 1 bwij ear pād rak im raar ba “Juda.” Aolep kiiñ ro an Israel raar nana, im jet wōt iaan kiiñ ro an Juda raar emman. Meñe eḷap an Anij jouj ñan Israel, raar kijoñ in ilok jān E.

Anij ear kwalok ñan Israel aer nana im ban. Meñe ewor aer kien ko jān Anij, elōñ aer jikin jar im kilen kabuñ, im elōñ ri kaanan im kiiñ, raar jaab weppān. Raar jepel jān Anij kōn jerowiwi ko aer, im raar aikuj juon Ri Lomōor.

Kajjitōk ko

1. Adam im Iv raar bōk aer mour jān wōn?
2. Ke Adam im Iv raar jepel jān Anij innām ta eo ear jako?
3. Ewi juon men im Anij e kōḅaan kareilok kōj kake?
4. Ewi men eo kein ka ruo?
5. Ewi men eo kein ka jilu?
6. Anij ear kāālōt wōn bwe en kiiñ an aelōñ in Israel ālikin Saul?
7. Ewi jerowiwi eo eḷap an Devid?
8. Anij ear joḷok ruon Devid kōn an Devid kallimur bwe enaaj jermal ñan Anij ke?
9. Etke Devid, juon ri uror e maroñ mour indeeo?
10. Ewi eoon eo mōktata me ej kallimur kōn juon ri lomōor?
11. Ewi kallimur eo im Anij ear leḷok ñan Kiiñ Devid ikijien juon ri Lomōor?
12. Wōn eo enaaj jijet ioon tūroon eo an Devid ñan indeeo?
13. Etan ḷeo nejin Devid me ear kiiñ im kōmman tempel eo?
14. Ro ri Israel raar weppān ippān Anij ke elōñ aer kiiñ im tempel ke?